

Ohppiide ja ovddasteddjiide

Áigi boahkuvvot difteriija, doangegeasáhaga, saidnangosahaga ja polio v (DTP-IPV-boahku)

Našunála boahkuhanprográmmas fállujuvvojit oahppit 2. luohkás (7-8 jagi) oážžut ođasmahttindosa boahkus difteriija, doangegeasáhaga, saidnangosahaga ja polio vuostá. Boahkuhanprográmmas addojit golbma dosa dáinna boahkuhemiin vuosttaš golbma jagi máná eallimis. Bisuhan dihte buori suodjaleami fálo dál ođasmahttindosa. Ohppiide fállujuvvo ođđa ođasmahttindosa daid seamma dávdmaid vuostá 10. luohkás.

Dávddaid birra

Difteriija lea fáhkka infekšuvdna bajit vuoiŋahagain mii lea bohtán difteriijabakteriijain. Bakteriijat ráhkadit mirkkoávdnasiid mat dagahit ahte šliiveassi čoddagis bohtana nu ahte šaddá lossat vuoiŋat. Mirkkoávdnasat sáhttet maid fallehit váibmo-, manimaš- ja nearvagođđosa. Dávddain sáhtta jápmit, ja dat gávdno muhttin osiin Eurohpás ja eará máilmmiosiin.

Doangegeasáhat (tetanus) bohtá bakteriijas mii sáhtta gávdnot eatnamis. Bakteriija ráhkada mirkkoávdnasiid mat fallehit nearvafierpmi ja dagahit dekkiid doanjin ja geasáhagaid mat bávččagit. Sáhtta njoammuduvvot go bakteriija bohtá hávvái. Dávddas lea alla jámolašvuotta, muhto ii njoamo olbmoss olbmui. Doangegeasáhat lea hárvvit Davviriikkain go lieggasat guovlluin.

Saidnangosahat (Pertussis) lea vuoiŋahatvuolši mas dohppehaddá garrasit gosahakkii mii bistá guhká (6–12 vahkku). Saidnangosahat sáhtta dagahit ahte njuoratmánáin ja smávvamánáin bisána vuoiŋanas, šaddá vuoiŋašvuolši mii dagaha vuoiŋašvigi, ja hárvanaš dilálašvuodain sáhtta maid jápmit. Dávda sáhtta dagahit guhkilmas givssiid stuorat mánáide ja rávisolbmuide. Lea hui njoammu dávda – lagabui 100 % buohccájedje dávddain ovdal boahkuhišgođiimet.

Poliomyelihtta lea virusdávda mii dábálaččat addá nurvodávdamearkkaid, bákčasiid rupmašii dahje čoalasvigi. Dat sáhtta dagahit vuoiŋašvuolšši (encefalitt) ja sáhtta dagahit bistevaš lámisvuoda. Sáhtta jápmit. Norggas ii leat dál polio, muhto olbmot geat eai leat boahkuvvon sáhttet njoammuduvvot mátkkiin ja nu sáhttet njoammudit earáid geat eai leat boahkuvvon go bohtet ruoktut.

Boahkuheami birra

Boahkuheami mii geavahuvvo lea Tetravac. Go lea váttis fidnet Tetravac, de geavahuvvo Tetraxim mii lea justa seammalágan (seamma buvttadeaddji, seamma sisdoallu). Soapmásat vásihit ahte boahkobáiki ruvssoda, bávččaga ja bohtana. Muhttimat ožžot geahppa febera. Gávnnat eanet dieđuid Tetravac/Tetraxim sisdoalu ja vejolaš liigeváikkuhusaid birra Stáhta dálkkasdoaimmahaga neahttasiidduin www.legemiddelsok.no (Girjedárogillii).

Muitte addit dieđuid dearvvašvuodabuohccidivššárii

Muital jus mánás lea allergiija dahje eará dearvvašvuodaváttisvuodát. Atte maiddá dieđu jus máná lea ožžon boahkuheami doangegeasáhaga vuostá mánáidboahkuhanprográmma olggobealde manjimus jagi. Ii vahágahte boahkuhit vaikke mánás jo lea leamaš okta dahje mánga dain dávddain. Eanet dieđut min neahttasiidduin: <https://www.fhi.no/bvp>

Boahkuheami lea plánejuvvon: Dáhton: _____ Dii: _____ Báiki: _____

Dearvvašvuodabuohccidivššár: _____ Telefodnanummir: _____

Gaikko dáikko: _____

Oahppi namma: _____ Riegádandáhton: _____ Luohkká: _____

Mun/moai háliidetne ahte mu/munno máná:

galgá boahkuvvot difteriija, tetanus, saidnangosahaga ja polio vuostá

ii galgga boahkuvvot difteriija, tetanus, saidnangosahaga ja polio vuostá

Ovddasteaddji geas lea váhnenovddasvástádus: Eadni Áhčči Eará olmmoš

Ovddasteaddji olles namma (čále čielgasit): _____

Ovddasteaddji vuolláičála: _____ Telefodnanummir: _____

Dieđut dearvvašvuodabuohccidivššárii: